

ðme die m̄nichuoldich mijnre sonde  
 meer du barmhertighe here die onse  
 schepper en verloeser biste die eue ghe-  
 linc en ewich biste mytten vader en  
 hillighen gheest. die ghecoemen biste  
 die sonders salich toe maken **B**arm-  
 hertighe here ontferm dy mijnre en  
 vergheff my al mijn sonden. nem al-  
 le quacetheit van my die gheleden is  
 teghenwoerdich of toecoemende **V**en-  
 de my dinen hillighen gheest van  
 den hemel op dat die sunde en boes-  
 hert gheen heerscapie en vinde in  
 my meer dat ick ouermids berou  
 en penitencie verdienen moet **d**ijne  
 barmhertich **O** lieue here du beken-  
 ste allene wat my crme sonderche  
 ontbreect daer om bidde ick dy **O**tferrn  
 dy ouer my en ontfaeck mijn gheb;  
 dat ick nu storte voer die oghen dij-  
 re moeghentheit. op dat ick nae dit  
 leuent ewelike mach verblide **am.**